



Randi Vestergaard Evaldsen
Inatsisartunut ilaasortaq, Demokraatit

Ilinniarsiit pillugit § 37 naapertorlugu apeqqutip nr. 197-ip akineqarnera

28-08-2018
Suliap nr. 2018 - 16783

Asasara Randi Vestergaard Evaldsen.

Postboks 1029
3900 Nuuk
Oqarasuaat: +299 34 50 00
Email: ikin@nanoq.gl
www.nanoq.gl

Inatsisartut suleriaasiat naapertorlugu apeqqutinnut qujanaq,
apeqqutigineqartut tullinnguuttuni akissuteqarfigissavakka.

***Apeqqut 1: Niuernermik Ilinniarsfik (NiNuuk) Nuummiittoq nutaagajulluni
fabrikkitut sanaarinqarpoq tamatumalu kingorna ilinniarsfinngortinneqarpoq
pisariaqartinneqartut sukut tamaana suliarilaaginnarlugit. Ullumikkullu
ersarilluinnarpoq illu iluarsanneqartariaqartoq - imaluunniit
nutaarluinnarmik ilinniarsfiliortoqartariaqartoq, siunertamut
naapertuuttumik: ilinniarsitsivissamik. Naalakkersuisut isumaqarpat NiNuup
illutai inuusuttatsinnik ilinniarsitsivigissalluguit tulluortoq?
Tunggavilersulaarsiuk.***

Akissut:

Naliginnaasumik aserfallatsaaliuineq eqqaassanngikkaani illuutit qanoq
innerinut nalunaarsuineri Niuernermik Ilinniarsfik ukiuni qulini atasinnaasutut
nalilerneqarsimavoq. Naalakkersuisut isumaqarput Nuummi Niuernermik
Ilinniarsiup illua atuarfiup pisariaqartitaanut naleqquttoq. Illugineqartoq
pissutaalluni pisariaqartitat naammassineqarsinnaajunnaassappata NI Nuuk
ilinniartitaanermi sanaartorneq pillugu immikkoortuni pilersaarutinut
ilanngunneqarsinnaavoq.

***Apeqqut 2: Akissummi kingullermi ersinngikkaluortoq apeqqutigeqqissavara:
Naalakkersuisut eqqarsaatigisimanerlugu piffissaq qaninnerusoq/
akunnattumik sivilissusilik (ukiut pingasut) eqqarsaatigalugit Ninuup illutai
ajorluinnartutut isikkoqartut suneqassanersut? Tunggavilersulaarsiuk.***

Akissut:

Apeqqut 1-imut akissut takuuk.

Apeqqu 3: Naalakkersuisut qanormita eqqarsaateqarpat NiNuuk pillugu, illutai ukiut qulit qaangiuppata atorsinnaajunnaarpata? Tunngavilersulaarsiuk.

Akissut:

Naalakkersuisut ilinniartitaanermi sanaartorneq pillugu immikkoortunut pilersaarummik suliaqarput, tassa ingerlaavartumik immikkoortunut pilersaarummik taaneqartartoq. Nuummi Niuernermik Ilinniarfik pilersaarutinut ilanngunneqartariaqalissappat ilinniartitaanermi sanaartorneq pillugu immikkoortunut pilersaarutinut ilanngunneqassaaq. Pilersaarutit ingerlaavartumik naleqqussarneqartarneri tassaavoq ingerlaavartumik immikkoortunut pilersaarusiortarnerup pitsaaqutaa.

Apeqqu 4: Naalakkersuisut ilinniartunik tiguisussanik, inuutissarsiortunik taakkulu kattuffiinik oqaloqateqarsimanerlutik NiNuup siunissaa pillugu? Taamaassimappat, oqaloqatigiinnerit qanoq inernejarpat aamma qanga ataatsimeeqatigiittoqarpa? Taamaassimangippat, soormita?

Akissut:

Naalakkersuisut Nuummi Niuernermik Ilinniarfik akuttunngitsumik oqaloqatigisarpaat, Nuummilu Niuernermik Ilinniarfiup ilinniartut, inuussutissarsiortut soqutigisaqartullu allat atuarfimmum atassuteqartut akuttunngitsumik oqaloqatigisarpai. Ilinniartitaanermut tunngasutigut tamatigut ineriartortitsineq ataavartumik pisarpoq, tassunga Nuummi Niuernermik Ilinniarfiup ineriartortinnera ilaavoq, tamannalu pillugu Naalakkersuisut Ilinniartitaanermut pilersaarutaat Il-mi ukiut tamaasa saqqummersinneqartartumi atuartoqarsinnaavoq. Ilinniarfiup ineriartortinneqarnera pillugu aalajangiinnerit ataatsimiinnermi ataatsimi aalajangersorneqarnera ajorput, suliaallunili ilinniarfik soqutigisaqartullu peqatigalugit sivisuumik suliarineqartartoq ilinniartitaanermullu politikikkut pilersaarutinut allanut ataqatigiissaarneqartartoq.

Apeqqu 5: NiNuup siunissaa pillugu Naalakkersuisut atuarfimmi sulisut ilinniartullu oqaloqatigisimanerlugit? Taamaassimappat, oqaloqatigiinnerit qanoq inernernejarpat aamma qanga ataatsimeeqatigiittoqarpa? Taamaassimangippat, soormita taamaattoqanngila?

Akissut:

Naalakkersuisut Nuummi Niuernermik Ilinniarfik akuttunngitsumik oqaloqatigisarpaat. Ilinniartitaanermut tunngasutigut ineriartortitsineq ataavartumik pisarpoq tamannalu pillugu Naalakkersuisut Ilinniartitaanermut pilersaarutaat Il-mi atuartoqarsinnaavoq.

Apeqqu 6: NiNuup siunissaa qularnaarneqartuuppat tamanna sunik iluaqutissartaqassasoq Naalakkersuisut isumaqarpat? Tunngavilersulaarsiuk.

Akissut:

Ilinniartitaanerit Niuernerimik Ilinniarfimmit isumagineqartut ullutsinnut naleqquttuunissaat Naalakkersuisunut pingaarpoq. Matumani pitsaaqut tassaavoq piginnaaneqalersitsisumik ilinniagaqareernerup kingunerisaanik suliffeqalerumaartussanik ilinniartoqartuaannarnissamik qulakkeerinnittoqarsinnaammat.

Apeqqu 7: NiNuup siunissaa qularnaarneqartuuppat tamanna sunik iluaqutissartaqassasoq Naalakkersuisut isumaqarpat? Tunngavilersulaarsiuk.

Akissut:

Naalakkersuisut illoqarfiit campusillit qitiutillugit ilinniartitaanermi aqqissuusseqqinnermik suliaqarput. Ilinniartitaanerit akimorlugit suleqatigiinnerup pitsaaqutai Naalakkersuisut takusinnaagamikkit tamanna pivoq. Campusi illoqarfimmut pingaarnermuinnaangitsoq illoqarfimmulli sumulluunniit nukittoqqaassaaq.

Apeqqu 8: Naalakkersuisut suna tunngavilersuutiginiarpaat siunissami qaninnermi inuusuttut teknikkimut ilinniaqqiffissaarunnissaannut nunatta illoqarfiisa pingaarnersaanni (Saviminilerinermik Ilinniarfik)? Tunngavilersulaarsiuk.

Akissut:

Nuummi Saviminilerinermik Ilinniarfik tassaavoq Sisimiuni Tech College Greenlandip (KTI-p) ataani immikkoortortaqarfik. Sisimiuni Saviminilerinermik Ilinniarfiup ataatsimoortumik aqutsisoqarfiup ataanut inissinneqarnera sunniivigeqatigiinnermik pilersitsissasoq Naalakkersuisut takusinnaavaat, tamatumani sannavinni atuarfiusuni ataatsimut entreprenørmaskiinaateqarnikkut Sisimiuni teknikimut tunngasutigut ilinniakkat pioreersut qaninnerusumik suleqatigiilernissaat kissaataavoq. Tamanna suliamut atatillugu avatangiisinut nukittorsaasinnaavoq, tamannalu teknikimut tunngasutigut ilinniakkanut pitsaaquteqarsinnaalluni.

Apeqqu 9: Atuartunik tiguisartunik, inuutissarsiortunik taakkulu kattuffiini Naalakkersuisut oqaloqateqarsimanerlutik Saviminilerinermut Ilinniarfiup siunissaa pillugu? Taamaassimappat, oqaloqatigiinnerit qanoq inernilerneqarpat aamma qanga ataatsimeeqatigiittoqarpa? Taamaassimangippat, soormita taamaattoqannila?

Akissut:

Oqaatigisariikkattut Naalakkersuisut allaffeqarfiilu ataavartumik ilinniarfinnut taamaattumillu tiguisartunut attaveqarput. Ilinniartitaanermut tunngasutigut ineriartortitsineq ataavartumik pisarpoq, oqaatigisariikkatullu Naalakkersuisut Ilinniartitaanermut pilersaarutaat Il-mi atuarneqarsinnaavoq. Ilinniarfiup ineriartortinneqarnera pillugu aalajangiinerit ataatsimiinnermi ataatsimi aalajangersorneqarneq ajorput, suliaallunili ilinniarfik soqutigisaqartullu peqatigalugit sivilisumik suliarineqartartoq ilinniartitaanermullu politikikkut pilersaarutinut allanut ataqatigiissaarneqartartoq.

Apeqquut 10: Saviminilerinermut Ilinniarfiup siunissaa pillugu Naalackersuisut atuarfimmi sulisut ilinniartullu oqaloqatigisimanerlugit? Taamaassimappat, oqaloqatigiinnerit qanoq inernilerneqarpat aamma qanga ataatsimeeqatigiittoqarpa? Taamaassimanngippat, soormita taamaattoqanngila?

Akissut:

Naalackersuisut allaffeqarfiilu ataavartumik ilinniarfinnut taamaattumillu tiguisartunut attaveqarput, tassungalu ilanngullugu atuarfiup siunissaa pillugu Tech College Greenlandimut attaveqarlutik.

Apeqquut 11: Saviminilerinermut Ilinniarfiup siunissaa qularnaarneqartuuppat tamanna sunik iluaqutissartaqassasoq Naalackersuisut isumaqarpat? Tunngavilersulaarsiuk.

Akissut:

Apeqquut 8-mut akissut takuuk.

Apeqquut 12: Naalackersuisut isumaat naapertorlugu suut atuartunut ajoqusiissappat Saviminilerinerut Ilinniarfik illoqarfiit pingaarnersaanut ilaajunnaassagaluarpat? Tunngavilersulaarsiuk.

Akissut:

Apeqquut 7-imut akissut takuuk.

Inussiarnersumik inuulluaqqusillunga


Vivian Motzfeldt